

## Presentación da materia/módulo

Sde un avión, dron, satélite)

<b>Materia / Módulo</b>	<b>Xeografía de España 2º Bach.</b>	<b>Curso / Ciclo</b>	<b>Curso 2024-25</b>
-----------------------------	---	----------------------	----------------------

### CONTIDOS (Temporalizados por Unidades didácticas e Avaliacións)

<b>1ª Avaliación</b>	<p><b>1.- O relevo:</b> O espazo xeográfico español. O relevo peninsular e insular. Evolución xeolóxica. Litoloxía e tipos de modelado. As unidades do relevo español. O litoral.</p> <p><b>2.- O clima:</b> Factores que condicionan o clima. Os elementos do clima. Tipos de tempo atmosférico. Interpretación dos mapas meteorolóxicos. Tipos de clima. Interpretación de climogramas.</p> <p><b>3.- As actividades terciarias:</b> A terciarización e os desequilibrios territoriais. Os sistemas de transporte e a organización do territorio. O espazos turísticos.</p>
<b>2ª Avaliación</b>	<p><b>4.- As paisaxes naturais e a acción humana sobre o medio natural:</b> Condicionantes dos recursos hídricos. Demandas e uso da auga en España. As formacións vexetais. Os grandes dominios bioxeográficos en España. Análise de cliserias de vexetación. As paisaxes naturais. Problemas ambientais derivados da acción antrópica. Política medioambiental.</p> <p><b>5.- A poboación española:</b> Fontes para o estudo da poboación. A distribución espacial. O movemento natural. A evolución demográfica. Movements migratorios e crecemento real. Estrutura da poboación. As pirámides de poboación. Problemática actual e perspectivas de futuro. O caso galego.</p> <p><b>6.- As actividades do sector primario:</b> O espazo rural. Os condicionantes naturais e humanos do espazo agrario. As actividades agrarias. As paisaxes agrarias. Os espazos da actividade pesqueira. Os problemas do sector primario. O sector primario e a Unión Europea.</p>
<b>3ª Avaliación</b>	<p><b>7.- A actividade industrial:</b> As materias primas e as fontes enerxéticas. Produción e consumo enerxético en España. O proceso de industrialización en España. A industria española na actualidade. Os problemas da industria. A política industrial. O sector secundario no ámbito da Unión Europea.</p> <p><b>8.- O poboamento e as cidades:</b> Poboamento rural e poboamento urbano. Concepto de cidade e o proceso de urbanización. Morfoloxía e estrutura das cidades españolas. Os problemas urbanos. A ordenación do espazo urbano. O urbanismo. O sistema urbano español.</p> <p><b>9.- A diversidade rexional española e a proxección internacional de España:</b> A organización político-administrativa de España. Os desequilibrios rexionais. España en Europa. España no mundo.</p>

### PROCEDEMENTOS DE AVALIACIÓN

#### Instrumentos:

<b>Probas escritas</b>	90%	Probas escritas
<b>Traballos</b>	10%	Comentarios de documentos xeográficos seguindo as pautas e o prazo indicados pola profesora

#### a) Probas escritas:

- Sempre que o permita a dinámica e temporalización do curso realizaranse en cada Avaliación **dúas probas escritas** (1º e 2º Parcial), que **suporán o 90% da cualificación**. Ditas probas manterán a seguinte **estrutura**: definición de conceptos xeográficos; desenvolvemento dun tema; localización, lectura, interpretación, explicación e análise crítica dun documento de contido xeográfico (mapa, imaxe, gráfico, texto...). A isto engadirase, de ser o caso, a realización dalgunha **proba escrita máis breve** que incluíra algúns dos apartados anteriores.

- **Especificarase o valor de cada pregunta**, entendendo que se está contestada correctamente levará a puntuación máxima pero, de non ser así, **a puntuación diminuirá en consonancia cuns criterios obxectivos que a docente ten previamente fixados**.

- Os **contidos mínimos das primeiras Avaliacións** poden estar presentes nas seguintes Avaliacións.

- A **falta de asistencia a un exame** só poderá xustificarse mediante documentación oficial, desta maneira o alumno ou alumna terá dereito a facer un exame correspondente a esa parte da materia. De non existir o xustificante regulamentario, o exame se cualificará con insuficiente cero puntos.

- **Copiar nun exame** (utilizando calquera medio) suporá a retirada inmediata do exame e a súa cualificación con insuficiente cero puntos.

#### **b) Traballos:**

- En cada Avaliación valorarase cun **10% da nota a presentación oral e/ou escrita de comentarios de distintos documentos xeográficos** (mapas temáticos, gráficas, imaxes, textos...). Neste tipo de actividades avaliarase a capacidade de síntese e análise, a comprensión e desenvolvemento das actividades, a calidade, exposición, presentación do traballo... Para a corrección destes traballos poden empregarse rúbricas adaptadas a cada tarefa.

- Os alumnos e alumnas de 2º de BAC deben de ter a responsabilidade de cumprir os prazos e as condicións de entrega esixidos pola docente. É importante destacar **que NON se corruxirá** nin se terá en conta para a Avaliación ningún **traballo, exercicio, comentario ou calquera tipo de tarefa que NON se realice e/ou entregue en prazo**.

- **No caso de evidencia de "plaxio"** en ditas actividades adoptarase a mesma medida tomada no suposto de copiar nun exame.

#### **Criterios de Cualificación e recuperación:**

- A valoración obtida mediante o seguimento dos instrumentos anteriores permitirá coñecer a **cualificación do alumno/a en cada trimestre do curso**. A **avaliación estará aprobada cando** a cualificación sexa de **5 puntos ou superior**.

- Os alumnos e alumnas que teñan unha **Avaliación suspensa** deberán presentarse a unha **Proba de recuperación** (valorada sobre 10 puntos) con contidos e estrutura semellantes aos da proba escrita de dita Avaliación. **Para preparar** dita proba contarán con **material de reforzo** que lles facilitará a profesora, que estará á súa disposición para as aclaracións pertinentes encamiñadas a solucionar o seu déficit na materia.

- Para a **cualificación da Avaliación Final Ordinaria** empregarase a **media aritmética das notas das tres Avaliacións parciais**, de forma que os alumnos e as alumnas que teñan unha **nota media de 5 puntos ou superior serán superada a materia** e o alumnado que teña unha **media inferior a 5 deberá presentarse a unha Proba escrita** na convocatoria da **Avaliación Extraordinaria** no mes de xuño, que repasará os contidos traballados ao longo do curso.

#### **Avaliación Extraordinaria:**

- Dende a Avaliación Final Ordinaria de 2º de Bacharelato ata o remate do curso realizaranse **actividades de preparación da PAU** para o alumnado que aprobouse o curso e desexa presentarse a dita proba, ademais de **actividades de reforzo e recuperación** para o alumnado que deba presentarse á Proba Extraordinaria.

- A proba da **Convocatoria Extraordinaria** celebrarase segundo o calendario que elabore Xefatura de Estudos. A cualificación será a obtida na **Proba obxectiva Extraordinaria**, na que se empregará unha estrutura similar á das probas escritas realizadas durante o curso e será valorada sobre 10 puntos.